

MISSINGIUT

Inatsisartunut eqikkagaq

Meeqqat inatsiseqartitaanerit pillugu Kalaallit Nunaannut inatsisip aamma katittarneq avittarnerlu pillugit Kalaallit Nunaannut inatsisip, angajoqqaat akisussaanerit pillugu inatsisip kiisalu Kalaallit Nunaanni eqqartuussisarnermi inatsisip allangortinneqarnissaannut inatsisissatut siunnersuutip (Meeqqat pillugit inatsisip aamma meeqqat pilersorneqarnissaat pillugu inatsisip Kalaallit Nunaannut atuutilernerisa kingunerisaanik allannguutit) aammalu meeqqat pillugit inatsisip aamma meeqqat pilersorneqarnissaat pillugu inatsisip Kalaallit Nunaannut atuutilernerisa kingunerisaannik meeravissiararneq pillugu inatsimmi, angajoqqaat akisussaanerit pillugu inatsimmi aammalu inatsisini allani assigiinngitsuni allannguutit arlallit Kalaallit Nunaannut atuutilersinneqarnissaannut peqqussummut missingiutip eqikkarnera

1. Aallaqqaasiut

Namminersorlutik oqartussat noqqaassuteqarsimanerat malillugu, Kalaallit Nunaanni ilaqtariinnut inatsiseqartitsinermik nutarsaanermit atatillugu, Social- aamma Ældreministeria meeqqat pillugit inatsisip aamma meeqqat pilersorneqarnissaat pillugu inatsisip Kalaallit Nunaannut atuutilersinneqarnissaannut peqqussummut missingiummik suliaqarsimavoq.

Meeqqat pillugit inatsimmik aamma meeqqanut akilersuutit pillugit inatsimmik atuutilersitsineq Kalaallit Nunaannut inatsisilik allanik allangortitsinissamut pisariaqartitsinermik kinguneqarpoq. Tamatumunnga atatillugu makkua suliarineqarput:

- Meeqqat pillugit inatsisip Kalaallit Nunaannut atuutilersinneqarnissaanut, meeqqat pilersorneqarnissaat pillugu inatsisip Kalaallit Nunaannut atuutilersinneqarnissaanut peqqussummut missingiutip, meeqqat inatsiseqartitaanerannik Kalaallit Nunaannut inatsisip atorunnaarsinneqarnissaanut aamma katittarneq avittarnerlu pillugit Kalaallit Nunaannut inatsisip, angajoqqaat akisussaanerit pillugu inatsisip kiisalu Kalaallit Nunaanni eqqartuussisarnermi inatsisip allangortinneqarnissaannut inatsisissatut siunnersuut (Meeqqat pillugit inatsisip aamma meeqqat pilersorneqarnissaat pillugu inatsisip Kalaallit Nunaannut atuutilersinneqarnerisa kingunerisaanik allannguutit).
- Meeravissiararneq pillugu inatsimmi, angajoqqaat akisussaanerit pillugu inatsimmi aammalu inatsisini allani assigiinngitsuni allannguutit arlallit Kalaallit Nunaannut atuutilersinneqarnerinut peqqussummut missingiut (tamatum kingorna kingunerisat pillugit peqqussut).

2. Meeqqat pillugit inatsisip Kalaallit Nunaannut atuutilersinneqarnissaanut peqqussut

meeqqat pillugit inatsisip Kalaallit Nunaannut atuutilersinneqarnissaa pillugu peqqussummut missingiummi meeqqat pillugit inatsit, tak. inatsit nr. 460, 7. juni 2001-imeersaq, Kalaallit Nunaannut atuutilersinneqarpoq, inatsisit tulliuttut kingunerisaannik allannguuteqartillugu:

- Toqungasup timaanik misissuineq, toqungasumik pilattaalluni misissuineq aamma timip ilaanik nuussineq il. il. pillugit inatsip aamma meeqqat pillugit inatsisip nr. 133, 2. marts 2004-meersup allangortinneqarnissaanut inatsit (Naartuersinnerup aamma tuqungalluni erniunerup killinganik allanngineq aammalu meeqqanut toqungallutik erniusunut ataataasunik nalunaarsuinnermut malittarisassanik ajornaallisaaneq).
- Pisortat oqartussaqaarfiinut qinnuteqarneq, nalunaaruteqarneq, noqqaassuteqarneq, nalunaarneq aamma akuersineq pillugit inatsisip nr. 622, 12. juni 2013-imeersup allangortinneqarnissaanut inatsit (Piumasaqaataasumik innuttaasut digital-imik imminnut kiffartuunnissaannut ikaarsarneq, aningaasaqarnikkut taperneqarnissamut qinnuteqarneq, nakorsamik toqqaaneq pillugu nalunaarneq, atertaartitsinissaq aamma atermik allangortitsinissaq pillugu qinnuteqarneq, ataataanermik akuersissuteqarneq, cykkilunik tillinnermik unnerluutiginninneq il. il. pineqartillugit).
- Meeqqat pillugi inatsisip, naartuersittarneq pillugu inatsisip, eqqartuussisarnermi inatsisip aamma inatsisit allat assigiinngitsut nr. 652, 12. juni 2013-imeersut allangortinneqarnissaannik inatsit (Anaanaaqataaneq il. il.).
- Ikkussivigitilluni kinguaassaqaalernermet atatillugu suliaritinneq, suussutsimik paasiniaaneq aamma ilisimatusarneq il. il. pillugit, timip ipiutaasartai pillugit, meeqqat pillugit, meeqqat pilersorneqarnissaat pillugu aamma eqqartuussisarneq pillugu inatsisip nr. 1313, 27. november 2013-imeersup allangortinneqarnissaannik inatsit (Ikiorneqarluni kinguaassiorneq taaguutitut, manniit toqqortaatigineqarnissaannut immikkut akuersissuteqarsinnaaneq, suliaritinnissamut akuersissuteqarneq kiisalu sananeqaatsikkut kingornuttakkatigut nappaatit il. il. pineqartillugit aarlerinartunik pisunik kissaatigineqarsimangitsunik nalunaaruteqarnermut akisussaasuusut amerlineqarneri).
- Katittarneq avittarnerlu pillugit inatsisip aamma meeqqat pillugit inatsisip nr. 485, 21. maj 2014-imeersup allangortinneqarnissaannut unatsit (Persuttaaneq aamma atoqatigiinnikkut nakuuserneq avinnermut tunngaviusutut il. il.).
- Pisortat oqartussaqaarfiinut qinnuteqarneq, nalunaaruteqarneq, noqqaassuteqarneq, nalunaarneq aamma akuersineq pillugit inatsimmi aalajangersakkat assigiinngitsut allangortinneqarnissaannut inatsisip nr. 552, 2. juni 2014-imeersup allangortinneqarnissaannut inatsit (Sanaartornissamut akuersissutit, angajoqqaatut oqartussaassuseqarneq, meeqqap najugarisaa, najortigiittarneq il. il., averusernissamut aamma avivinnissamut piumasaqarneq, meeqqanut aamma aapparissamut akilersuuteqarneq, najugaarnermut akiliinissamut atorniarneq, biilnik uninngatitsinissamut akuersissuteqarneq aamma uppersaateqarnissamut noqqaassuteqarneq pineqartillugit qinnuteqarnermut piumasaqaataasumik digital-imik imminnut kiffartuunnissamut ikaarsarneq Inunnik Qitiusumik Nalunaarsuiffik il. il. pillugit inatsit malillugu).
- Ilaqutariit inatsiseqartitaaneranni maalaaruteqarsinnaaneq aamma piginnaatitaaneq il. il. pillugit inatsimmi nr. 1741, 22. december 2015-imeersumi aalajangersakkat assigiinngitsut allangortinneqarnissaannut inatsit (Ilaqutariit inatsiseqartitaaneranni Ankestyrelsen i maalaaruteqartarfittut il. il.).
- Angajoqqaatut akisussaneq pillugu inatsisip, katittarneq avittarnerlu pillugit inatsisip aamma inatsisit allat assigiinngitsut allangortinneqarnissaannut inatsit nr. 1711, 27. december 2018-imeersaq (Famileretshuseti aamma angajoqqaatut akisussaaneq pillugu inatsit malillugu suliani meeqqat annertusisamik illersorneqarnissaat pillugu inatsisip kingunerisaanik allannguinerit).
- Angajoqqaatut akisussaaneq pillugu inatsisip, Famileretshuseti pillugu inatsisip, katittarneq avittarnerlu pillugit inatsisip aamma inatsisit allat assigiinngitsut allangortinneqarnissaannut inatsit nr. 962, 26. juni 2020-meersaq (Pinngitsaaliisummik najugaqatigiinnissap atorunnaarsinneqarnera aamma ilaqutariinnut inatsiseqartitsinerup nutaap pilersinneqarnerata malitseqartinnerqarnera il. il.).

Meeqqat pillugit inatsit, allannguutit taaneqartut ilanngullugit, Kalaallit Nunaannut atuutilersinneqassaaq Kalaallit Nunaanni pissutsinut naapertuuttunik allannguuteqartillugu.

Ataataaneq pillugu malittarisassat meeqqat inatsiseqartitaanerat pillugu Kalaallit Nunaannut inatsimmi kapitali 1-imi allaqqapput, tak. inatsimmut nalunaarut nr. 805, 30. juni 2015-imeersoq, (tamatum kingorna meeqqat pillugit Kalaallit Nunaannut inatsit). Malittarisassat taakkua pineqartillugit peqqussummi annerusumik tulliuuttut allanngortinneqassapput:

- Ataataanermut tunngatillugu angajoqqaat aapparit aamma katissimanngitsut aamma taakkua naligiitinneqarput, taamaattumik taaguutit 'aapparit meeraat' aamma 'uersakkat' atorunnaarsinneqarput.
- Aapparit katissimanerat tunngavigalugu ataataaneq nalunaarsorneqassaaq. Angajoqqaat katissimanngippata, ataataaneq nalunaarsorneqassaaq angajoqqaat ataatsimoorlutik meeqqap isumaginissaanut aamma akisussaaffiginissanut allakkatigut akuersinerat tunngavigalugu. Nalunaarsuineq isumagineqassaaq oqaluffiup allattaavianut immersuisumit palasimit meeqqap inunngornerata nalunaarsorneqarneranut atatillugu.
- Ataataanermik nalunaarsuineq atuukkallartuuvooq, inunngornermiit qaammatit arfinillit qaangiutinnginnerini illuatungiusooq ataataaneq pillugu suliamik aallartitsinissamik piunasaqarsinnaammat. Ilaatigut angut, piffissami anaanaasup naartulernerata nalaani anaanaasumik atoqateqarsimasooq, tunngaviusumik pisinnaatitaavooq meeqqamut ataataanerup misilinneqarnissaanut piunasaqarnissamut.
- Naalagaaffiup Sinniisua piginnaatinneqarpoq ataataaneq pillugu suliat tamaasa ingerlannissaannut ataataanermik nalunaarsuineq ilanngunnagu. Naalagaaffiup Sinniisua sananeqaatsikkut kingornussisarnermut tunngatillugu misissuinissat pineqatissiissutigisinnaavai, allakkatigoortumik ataataanermik akuersinermut tunngaviliisinaasut.
- Anaanaasup meeqqap kimik ataataqarneranik imaluunniit ataatagisinnaasaqarneranik paasissutissiinissamut pisussaaffia, aammalu tamatumumingga pisussaaffiagaasinnaaneranut periarfissaq atorunnaarsinneqarput.
- Angut, piffissami anaanaasup naartulernerata nalaani anaanaasumik atoqateqarsimasooq, tunngaviusumik pisinnaatitaavooq meeqqamut ataataanerup misilinneqarnissaanut piunasaqarnissamut.
- Ataataaneq pillugu suliat ingerlateqqinneqarneri pillugit malittarisassat assigiilissapput, apeqqutaatinnagu meeraq aapparit qitornarinerat imaluunniit katissimanngitsut qitornarinerat. Ataataaneq pillugu suliat ingerlateqqinneqarnissaanut piunasaqarnerit meeqqap inunngorneraniit ukiut pingasut qaangiutsinnagit pissasut aalajangersarneqarpoq, imaassimanngippat pissutsit immikkut ittut atuuttut. Ataataaneq pillugu suliap ingerlateqqinneqarsinnaanera pillugu aalajangiinermi, ilaatigut pingaartinneqassaaq, angajoqqaat meeraq tamarmik meeqqamittut paaqutarisimaneraat.
- Suliat ataataaneq pillugu isumaqatigiinngiffiusut, eqqartuussivinni aalajangiiffigineqartarnerat ingerlaannassaaq. Naalagaaffiup Sinniisua kisimiilluni ataataaneq pillugu sulianik eqqartuussivimmut suliassanngortitsisinnaassaaq.
- Anaanaaqataaneq pillugu malittarisassanik ilanngussisoqassaaq, arnat marluk meerartaarnissamut isumaqatigiissuteqarsinnaanngortillugit, taamaalilluni arnap ernisuunngitsoq meeqqamut anaanaaqataalerluni. Anaanaaqataaneq ataataanerup assinganik inatsiseqartitaassaaq. Anaanaaqataassutsip piunasaqaatigivaa meeqqap ikiorneqarluni kinguaassiornikkut imaluunniit assigisaanik suliaritinnikkut, peqqissaasumit isumagineqarnikkut imaluunniit peqqissaasup akisussaaffigisaanik pinngorsimanissaa. Anaanaaqataaneq meeqqap inunngornerani Naalagaaffiup sinniisuanit nalunaarsorneqassaaq. Taamatuttaaq anaanaasumut, arnaatimi aammalu ilisarimasat taanna anisuumik tunniussisoq isumaqatigiissuteqarfigissallugu meeqqamut ataataasutut nalunaarsorneqarnissaanik.
- Aammattaaq peqqussut meeqqamik ikiorneqarluni kinguaassiornikkut imaluunniit assigisaanik suliaritinnikkut pinngorsimasumut, peqqissaasumit isumagineqarnikkut imaluunniit peqqissaasup akisussaaffigisaanik, kina ataatatut aamma anaanaaqataasutut isigineqarnissaa pillugu malittarisassanik imaqarpoq. "Ikiorneqarluni kinguaassiorneq" imatut paasineqassaaq peqqissaasumit isumagineqarluni imaluunniit peqqissaasup akisussaaffigisaanik, arnap

naartilernissaa pillugu suliaritinneg, arnap aamma angutip atoqatigiinnerisiguunngitsoq kisiannili allatigut pilersinniarneqartoq, tak. suliaritinnermut, suussutsimik paasiniaanermut aamma ilisimatusarnermut il. il. atatillugu ikiorneqarluni kinguaassiorneq pillugu inatsimmi § 1 tak. inatsimmut nalunaarut nr. 902, 23. august 2019-imeersoq. "Peqqissaasoq" imatut paasineqassaaq inuk, tamanna pillugu danskit imaluunniit Kalaallit Nunaata inatsisaat malillugit sulisinnaatitaasoq, aamma inuk, peqqissaasup akisussaafiggisaata ataani sulisoq. Kalaallit Nunaanni meerataarsinnaannginneq ikiorserneqartarpoq mannissaqartalernerup pitsanngorsarneqarneranik kiisalu mannissap anisuumik ikkussivigineratigut. Anisooq mannissamut ikkussaq arnap angutaataaningaanneersuusinnaavoq imaluunniit anisuumik tunniussisuminngaanniit, kisiannili tamanna aappariit imaluunniit arnap namminneerlutik anisuumik tunniussisussamik nassaarnissaannik piunasaqarfiuvoq. Kalaallit Nunaanni timip ipiutaasartaanik toqqorsivimmik il. il., anisuunik toqqortaateqarsinnaasunik peqannginnera tamatumunnga pissutaavoq.

- Naalagaaffiup Sinniisuanut ataataaneq aamma anaanaaqataaneq pillugu qinnuteqarnermut atatillugu periarfissarititaq piunasaqaataasumik digital-imik imminut kiffartuunnissaq ilanngunneqarpoq. Qinnuteqaatit, digital-imik imminut kiffartuunneq aqqutiginnagu tunniunneqartut, itigartinneqartassapput, pissutsit immikkut ittut atuutignikkaangata, assersuutigalugu qinnuteqartup digital-imik immikkut kiffartuussissutit nammineerluni atorsinnaanngikkaangagit. Tamatuma kingunerisaanik illautungeriit aamma Naalagaaffiup Sinniisuata akornanni attaveqatigiinnerup digital-imik imminut kiffartuussissutit atorlugit ingerlanneqarnissaa piunasaqaataassanngilaq. Aammattaq digital-imik imminut kiffartuunermik aqqissuussamik allamik assingusumik kingusinnerusukkut pilersitsinissamik periarfissaq ilanngunneqarpoq oqaluffimmi allattuiffimmik immersuisuusumut palasimut isumaginninnissamut aammalu akisussaaneermut akuersissutinik tunniussinernut atatillugu. Aalajangersakkalli kingusinnerusukkut atuutsilerneqassapput.

Allanguinerit ataataaneq aamma anaanaaqataaneq pillugit suliaqarnerit sivikinnerulernerannik kinguneqassasut naatsorsuutigineqarpoq.

3. Meeqqat pilersorneqarnerat pillugu inatsisip Kalaallit Nunaannut atuutilersinneqarnissaanut peqqussut

Meeqqat pilersorneqarnerat pillugu inatsisip Kalaallit Nunaannut atuutilersinneqarnissaanut peqqussummut missingiutikkut (tamatuma kingorna meeqqanut akilersuutit pillugit peqqussut) siunnersuutigineqarpoq meeqqat inatsiseqartitaanerat pillugu inatsit nr. 200, 18. maj 1960-imeersup Kalaallit Nunaannut atuutilersinneqarnissaa, taamaattoq inatsimmi ataataaneq pillugu kapitali 1 pinnagu. Oqaaseqaatigineqarpoq, meeqqat pillugit inatsimmi § 37-mi meeqqat inatsiseqartitaanerat pillugu inatsisip qulequtaata allangortinneqarsimanera meeqqat pilersorneqarnerat pillugu inatsit-sinnortillugu (tamatuma kingorna meeqqanut akilersuutit pillugit peqqussut).

Meeqqanut akilersuutit pillugit inatsit Kalaallit Nunaannut atuutilersinneqarnissaa siunnersuutigineqarpoq, tulliuuttut inatsisit kingunerisaannik allannguuteqartillugu:

- Aappariinneq pillugu inatsisip il. il. allangortinneqarnissaanut inatsit nr. 209, 5. april 1989-imeersoq (Averusernissamut aamma avivinnissamut piunasaqaatit il. il.).
- Eqqartuussisarnermi inatsisip aamma inatsisit allat assigiinngitsut allangortinneqarnissaannut inatsit nr. 389, 14. juni 1995-imeersoq (Sinniisuutitaqarneq pillugu inatsisip kingunerisaanik allannguutit).
- Meeqqat pillugit inatsit, tak. inatsit nr. 460, 7. juni 2001-imeersoq.
- Katittarneq avittarnerlu pillugit inatsisip aamma inatsisit allat assigiinngitsut allangortinneqarnissaannut inatsit nr. 446, 9. juni 2004-meersoq (Ilaqutariit inatsiseqartitaaneranni il. il. malittarisassanik pisariillisaaneq).
- Meeqqat pilersorneqarnissaat pillugu inatsisip, katissimanerup inatsisitigut sunniutai pillugit inatsisip, katittarneq avittarnerlu pillugit inatsisip aamma angajoqqaat akisussaaneerat pillugu inatsisip allangortinneqarnissaannut inatsit nr. 349, 5. maj 2009-meersoq (Aningaasaqarnermut paasissutissanut terminal-ikkut isersinnaaneq, maalaaruteqarnissamut piffissarititaasoq il. il.).

- Lov nunap immikkoortuani naalagaaffiup aqutsinera pillugu inatsisip, meeqqat pilersorneqarnissaat pillugu inatsisip, katittarneq avittarnerlu pillugit inatsisip aamma inatsisit allat assigiinngitsut naalagaaffiup aqutsisoqarfiini aaqjissuussaanerup allanngortinneqarnerata kingunerisaanik allanngortinneqarnissaannut inatsit nr. 647, 12. juni 2013-imeersaq (Naalagaaffiup aqutsisoqarfiini aaqjissuussaanerup allanngortinneqarnera aamma ilaqutariit inatsiseqartitaaneranni malittarisassanik pisariillisaaneq aamma aningaasartuutitut nammineerluni akiliineq).
- Meeqqat pillugit inatsisip, meeravissiaartaarneq pillugu inatsisip, eqqartuussisarnermi inatsisip aamma inatsisit allat assigiinngitsut allanngortinneqarnissaannut inatsit nr. 652, 12. juni 2013-imeersaq (Anaanaaqataaneq il. il.).
- Mannissamik ikkussivigitinnermut atatillugu suliaritinneq, suussutsimik paasiniaaneq aamma ilisimatusarneq il. il. pillugit, timip ipiutaasartai pillugit, meeqqat pillugit, meeqqat pilersorneqarnissaat pillugu aamma eqqartuussisarneq pillugu inatsisip allanngortinneqarnissaannut inatsit nr. 1313, 27. november 2013-imeersaq (Ikiorneqarluni kinguaassiorneq taaguutitut, manniit toqqortaatineqarnissaannut immikkut akuersissuteqarsinnaaneq, suliaritinnissamut akuersissuteqarneq kiisalu sananeqaatsikkut kingornuttakkatigut nappaatit il. il. pineqartillugit aarlerinartunik pisunik kissaatigineqarsimanngitsunik nalunaaruteqarnermut akisussaasuusut amerlineqarneri).
- Pisortat oqartussaqaarfiinut qinnuteqarneq, nalunaaruteqarneq, noqqaassuteqarneq, nalunaarneq aamma akuersineq pillugit inatsimmi aalajangersakkat assigiinngitsut allanngortinneqarnissaannut inatsit nr. 552, 2. juni 2014-imeersaq (Sanaartornissamut akuersissutit, angajoqqaatut oqartussaassuseqarneq, meeqqap najugarisaa, najortigiittarneq il. il., averusernissamut aamma avivinnissamut piunasaqarneq, meeqqanut aamma aapparissamut akilersuuteqarneq, najugaarnermut akiliinissamut atorniarnaq, biilnik uninngatitsinissamut akuersissuteqarneq aamma uppersaateqarnissamut noqqaassuteqarneq pineqartillugit qinnuteqarnermut piunasaqaataasumik digital-imik imminnut kiffartuunnissamut ikaarsaarneq Inunnik Qitiusumik Nalunaarsuiffik il. il. pillugit inatsit malillugu).
- Meeqqat pilersorneqarnissaat pillugu inatsisip allannortinneqarnissaannut inatsit nr. 575, 10. juni 2014-imeersaq (Malittarisassanik pisariillisaanq aamma meeqqanut akilersuinermik sullissinerup pitsanngorsaavigineqarnera).
- Ilaqutariit inatsiseqartitaaneranni maalaaruteqarsinnaaneq aamma piginnaatitaaneq il. il. pillugit inatsisip aalajangersakkat allanngortinneqarnissaannut inatsit nr. 1741, 22. december 2015-imeersaq (Ankestyrelseni ilaqutariit inatsiseqartitaaneranni maalaaruteqartarfittut il. il.).
- Angajoqqaat akisussaanerat pillugu inatsisip, katittarneq avittarnerlu pillugit inatsisip aamma inatsisit allat assigiinngitsut allanngortinneqarnissaannut inatsit nr. 1711, 27. december 2018-imeersaq (Famileretshuseti aamma angajoqqaatut akisussaaneq pillugu inatsit malillugu suliani meeqqat annertusisamik illersorneqarnissaat pillugu inatsisip kingunerisaanik allannguinerit).

Inatsisit taakkua Kalaallit Nunaannut atuutilersinneqassapput Kalaallit Nunaanni pissutsinut naapertuuttunik allannguuteqartillugit.

Meeqqat pilersorneqarnissaat pillugu inatsimmi (meeqqanut akilersuutit) malittarisassat atuuttut meeqqat pillugit Kalaallit Nunaannut inatsimmi kapitali 2-mi allaqqapput, aammalu taanna inatsit kapitali 3-mi meeqqap inunngorerani aningaasartuutitut akilersuutit pillugit malittarisassanik imaqarpoq. Inatsisinut taakkununga tunngatillugu peqqussummut missingiut allannguineramik tulliuttunik kinguneqassaaq:

- Meeqqanut akilersuutit aalajangersarneqartassapput meeqqamut pitsaasoq qitiutillugu aammalu angajoqqaat aningaasaqarnikkut inissisimanerat qitiutinnagu, kisianni sulii aallaaviussaaq nalinginnaasumik akilersuuteqartitsineq. Akilersuutit nalinginnaasumiit sulii qaffasinnerusunnngortinneqarsinnaassapput, kisiannili uani taamaallaat aalajangiisuussaaq akilersuisup isertitatigut inissisimaneq.
- Akilersuinermi akiliinissamut isumaqatigiissutit akuerineqartarunnaassapput, kisiannili isumaqatigiissut saneqqunneqarsinnaassaaq, isumaqatigiissut naapertuutinnngitsutut nalilerneqarpat, pissutsit malunnaatilimmik allanngorsimappata, imaluunniit isumaqatigiissut meeqqamut pitsaasuunngippat.

- Apersortinnissamut atatillugu akilersuutunik aamma akilersuutunik allanik qinnuteqarnissamut piffissarititaasut ikkunneqassapput.
- Akilersuuteqarneq pillugu suliat ingerlanneqarnerannut malittarisassanik Social- aamma Ældreministeri aalajangersaasinnaassaaq, tassunga ilagitillugit qinnuteqarnissamut piffissarititaasut aamma piffissat aallartiffiusut aamma allannguiffiusut.
- Meeqqanut akilersuutit pillugit suliat Naalagaaffiup Sinniisuata kisimiilluni suliarinnaalissavai.
- Naalagaaffiup Sinniisuanut meeqqanut akilersuutunik qinnuteqarnermut atatillugu periarfissatut piunasaqaataasumik digital-imik imminut kiffartuunnissaq eqqunneqassaaq. Qinnuteqaatit, digital-imik imminut kiffartuunneq aqputiginagu tunniunneqartut, itigartitsissutigineqassapput, pissutsit immikkut ittut atuutinngippata, assersuutigalugu qinnuteqartoq digital-imik imminut kiffartuussinnaanngippat. Illuatungiusut aamma Naalagaaffiup Sinniisuata kingusinnerusukkut attaveqatigiinneri digital-imik imminut kiffartuunnissamik piunasaqaateqarfiussanngillat. Aalajangersakkalli kingusinnerusukkut atuutsilersinneqassapput.
- Naalagaaffiup Sinniisuata meeqqanut akilersuutit pillugit aalajangiineri Social- aamma Ældreministerimut maalaarutigineqarsinnaaneri inatsisitigut naqissuserneqarpoq. Taamatuttaaq sapaatit akunneri 4-at qaangiutsinnagit maalaaruteqarnissaq ilanngunneqarpoq, taamaattorli piffissarititaasumik qaangiisimagaluarluni maalaarutip suliarineqarnissaa suli periarfissaalluni.

Akilersuutip qaffasissusaanik allannguineramik peqqussut kinguneqassanngilaq. Oqaaseqatigineqarpoq, akilersuutit nalinginnaasut, aningaasat isumaginninnremi tunniunneqartartut 2022-mut atuuttut pillugit kaajallaasitaq malillugu, Isumaginninnermut Sulisoqarnermullu Naalakkersuisoqarfimmit atuutilersinneqartoq, aalajangersarneqarput qaannammut 1.000 kr.-nut.

Naatsorsuutigineqarpoq allannguutit akilersuutit pillugit suliat ingerlanneqartarnerisa sivikinnerulernerannik kinguneqarnissaat.

4. Meeqqat inatsiseqartitaanerit pillugu Kalaallit Nunaannut inatsisip aamma katittarneq avittarnerlu pillugit Kalaallit Nunaannut inatsisip, angajoqqaat akisussaanerit pillugu inatsisip kiisalu Kalaallit Nunaanni eqqartuussisarnermi inatsisip atorunnaarsinneqarnissaanut inatsit (Meeqqat pillugit inatsisip aamma meeqqat pilersorneqarnissaat il. il. pillugit inatsisip Kalaallit Nunaannut atuutilernerisa kingunerisaanik allannguutit)

Meeqqat inatsiseqartitaanerit pillugu Kalaallit Nunaannut inatsisip aamma katittarneq avittarnerlu pillugit Kalaallit Nunaannut inatsisip, angajoqqaat akisussaanerit pillugu inatsisip kiisalu Kalaallit Nunaanni eqqartuussisarnermi inatsisip atorunnaarsinneqarnissaanut inatsisissatut siunnersuummut missingiutikkut (Meeqqat pillugit inatsisip aamma meeqqat pilersorneqarnissaat il. il. pillugit inatsisip Kalaallit Nunaannut atuutilernerisa kingunerisaanik allannguutit) (tamatum kingorna inatsisissatut siunnersuut) meeqqat inatsiseqartitaanerit pillugu Kalaallit Nunaannut inatsisip, tak. inatsimmut nalunaarut nr. 805, 30. juni 2015-imeersoq, atorunnaarsinneqarnissaa siunnersuutigineqarpoq. Taanna inatsit ataataaneq aamma meeqqanut akilersuutit pillugit Kalaallit Nunaannut aalajangersakkanik atuuttunik imaqarpoq, aammalu taakkua aalajangersakkat ataataaneq, anaanaaqataaneq aamma meeqqanut akilersuutit pillugit aalajangersakkanik taarserneqarput meeqqat pillugit inatsimmut peqqussummut aamma meeqqanut akilersuutit pillugit inatsimmut peqqussummut missingiutini.

Aammattaaq inatsisissatut siunnersuut Kalaallit Nunaanni eqqartuussisarnermi inatsimmi ataataaneq pillugu sulianik ingerlatsinnermut malittarisassanik allannguineramik imaqarpoq, meeqqat pillugit inatsisip atuutilersinneqarnissaanut pisariaqartunik, tassunga ilagitillugu Kalaallit Nunaanni eqqartuussisarnermi inatsit anaanaaqataaneq pillugu eqqartuussiviit suliarinnittarnerannut malittarisassanik imaqarnera.

Kiisalu inatsisissatut siunnersuut, meeqqanut akilersuutit pillugit inatsisip atuutilersinneqarnerata kingunerisaanik, meeqqanut akilersuutit pillugit, katittarneq avittarnerlu pillugit Kalaallit Nunaannut inatsimmi malittarisassanik allannguineramik imaqarpoq.

5. Meeqqat pillugit inatsisip aamma meeqqat pilersorneqarnissaat pillugu inatsisip Kalaallit Nunaannut atuutilernerisa kingunerisaannik meeravissiartaaneq pillugu inatsimmi,

angajoqqaat akisussaanerat pillugu inatsimmi aammalu inatsisini allani assigiinngitsuni allannguutit arlallit Kalaallit Nunaannut atuutilersinneqarnissaannut peqqussut

Meeqqat pillugit inatsisip aamma meeqqat pilersorneqarnissaat pillugu inatsisip Kalaallit Nunaannut atuutilernerisa kingunerisaannik meeravissiarthaarneq pillugu inatsimmi, angajoqqaat akisussaanerat pillugu inatsimmi aammalu inatsisini allani assigiinngitsuni allannguutit arlallit Kalaallit Nunaannut atuutilersinneqarnissaannut peqqussuummut missingiut meeqqat pillugit inatsisip aamma meeqqanut akilersuutit pillugit inatsisip atuutilernerisa kingunerisaannik peqqussutinut tulliuuttunut allannguutinik imaqqarpoq:

5.1. Meeravissiarthaarneq pillugu inatsit Kalaallit Nunaannut atuutilersinneqartoq, tak. peqqussut nr. 410, 21. april 2010-meersoq, peqqussummi nr. 188, 9. februar 2021-meersumi § 1-ikkut allanngortinneqartoq.

Meeravissiarthaarneq pillugu inatsimmi allannguutit Kalaallit Nunaannut atuutilersinneqarput, kinguneqaataasut pillugit peqqussuummut missingiummi § 1-ikkut, eqqartuussisarnermi inatsisip aamma inatsisit allat assigiinngitsut allanngortinneqarnissaannik inatsimmi nr. nr. 461, 7. juni 2001-meersumi § 5-ip kingunerisaannik (Meeqqat pillugit inatsisip il. il. kingunerisaannik allannguutit). Tassani taamaallaat pineqqarpoq taaguutip "katissimasut meeraat"-p peerneqqarnera.

5.2. Angajoqqaat akisussaanerat pillugu inatsit Kalaallit Nunaannut atuutilersinneqartoq peqqussutikkut nr. 680, 6. juni 2016, peqqussummi nr. 188, 9. februar 2021-meersumi § 2-kkut allanngortinneqarpoq, (Angajoqqaat akisussaanerat pillugu peqqussut).

Kinguneqaataasut pillugit peqqussuummut missingiummi § 2-kkut tulliuuttut Kalaallit Nunaannut atuutilersinneqarput:

- Angajoqqaat akisussaanerat pillugu inatsimmi § 6, imm. 2, nr. 2, aamma § 7, imm. 2, tak. inatsit nr. 499, 6. juni 2007-meersoq.
- Meeqqat pillugit inatsisip, meeravissiarthaarneq pillugu inatsisip, eqqartuussisarnermi inatsisip aamma inatsisit allat assigiinngitsut allanngortinneqarnissaannut inatsimmi nr. 652, 12. juni 2013-meersumi (Anaanaaqataaneq il. il.) § 3-p kingunerisaannik angajoqqaat akisussaanerat pillugu inatsimmi allannguutit.

Angajoqqaat akisussaanerat pillugu peqqussut § 6-imi aalajangersakkamik imaqqarpoq, kina meeqqamut angajoqqaanit katissimasunit pinngortumut oqartussaaneranut tunngatillugu. Aallaaviuvoq, angajoqqaat katissimasut oqartussaaqatigiinnerat. Taamaattoq meeqqap ingunngornerata nalaani angajoqqaat averuseqqasimappata, taava anaanaasoq kisimiilluni angajoqqaatut oqartussaaavoq. Taamaattoq kingunerisaasut pillugit peqqussutikkut angajoqqaat avissaarsimasut oqartussaaqatigiissapput, isumaginninnissamut aamma akisussaasuunissamut akuersissummik tunniussisoqarsimatillugu, tak. immikkoortoq 2.

Angajoqqaat akisussaanerat pillugu peqqussut § 7-imi aalajangersakkamik imaqqarpoq, kina meeqqamut angajoqqaanit katissimangitsunit pinngortumut oqartussaaneranut tunngatillugu. Pisuni taamaattuni aallaaviuvoq, anaanaasup kisimiilluni angajoqqaatut oqartussaanera. Taamaattoq kingunerisaasut pillugit peqqussutikkut angajoqqaat avissaarsimasut oqartussaaqatigiissapput, isumaginninnissamut aamma akisussaasuunissamut akuersissummik tunniussisoqarsimatillugu.

5.3. Nunani avannarlerni ataataaneq pillugu suliani aalajangiinernut akuersineq pillugu inatsit aamma nunani avannarlerni inuit inatsiseqartitaanerat naapertorlugu piumasaqaatit pillugit aalajangiinernut akuersineq pillugu inatsisip allanngortinneqarnissaannut inatsit (nunani avannarlerni ataataaneq pillugu inatsit) peqqussutikkut nr. 482, 28. august 1982-meersukkut Kalaallit Nunaannut atuutilersinneqarpoq. Peqqussutip malitsigivaa, aallaavittut nunani avannarlerni allani ataataaneq pillugu eqqartuussinerit il. il. Kaalaallit Nunaannit akuerineqarneri. Taamaattorli tamanna ataataaneq pillugu eqqartuussineq il. il. imaluunniit akuersineq tunngaviummik danskit inatsisaannut akerliuppat atuutissanngilaq, imaluunniit akuersineq danskit tunngaviummik eqqartuussisarnermi malittarisassaannut naapertuutinnngippat.

Kingunerisaasut pillugit peqqussummut missingiummi § 3-kkut nunani avannarlerni ataataaneq pillugu inatsimmut allannguutit Kalaallit Nunaannut atuutilersinneqarput, angajoqqaatut akisussaaneq pillugu inatsisip, Familieretshuseti pillugu inatsisip, katittarneq avittarnerlu pillugit inatsisip aamma inatsisit allat assigiinngitsut allanngortinneqarnissaannut inatsimmi (Pinngitsaaliisummik najugaqatigiinnissap atorunnaarsinneqarnera aamma ilaqutariinnut inatsiseqartitsinerup nutaap pilersinneqarnerata malitseqartinnerqarnera il. il.) nr. 962, 16. september 2020-meersumi § 8-p kingunerisaanik. Annerusumik tulliuttut pineqarput:

- Peqqussutip atuuffia imatut annertusineqassaaq, anaanaaqataaneq pillugu eqqartuussinernut il. il. aamma atuutissalluni.
- Peqqussutip qulequtaa imatut allanngortinneqassaaq "nunani avannarlerni ataataaneq anaanaaqataanerlu pillugit aalajangiinernut akuersineq pillugu inatsit".

5.4. Taarsiisuteqarnissamut akisussaaffeqarneq pillugu inatsit Kalaallit Nunaannut atuutilersinneqarpoq peqqussutikkut nr. 1078, 11. september 2015-imeersukkut. Kingunerisaasut pillugit peqqussummut missingiummi § 4-kkut inatsimmut allannguut Kalaallit Nunaannut atuutilersinneqarpoq, eqqartuussisarnermi inatsisip aamma inatsisit allat assigiinngitsut allanngortinneqarnissaannut inatsimmi nr. 461, 7. juni 2001-imeersumi § 6-ip kingunerisaanik. Taamaallaat pineqarpoq "Meeqqat inatsiseqartitaanerat pillugu Kalaallit Nunaannut inatsit"-sip allanngortinneqarnissaa "meeqqat pilersorneqarnissaat pillugu inatsit, kunngip peqqussutaatigut Kalaallit Nunaannut atuutilersinneqartoq"-mut.

5.5. Inunnik Qitiusumik Nalunaarsuiffik pillugu inatsit Kalaallit Nunaannut atuutilersinneqarpoq peqqussutikkut nr. 1198, 29. november 2006-imeersukkut, allanngortinneqartoq peqqussutikkut nr. 449, 23. maj 2016-imeersukkut aamma peqqussutikkut nr. 681, 6. juni 2016-imeersukkut. Kingunerisaasut pillugit peqqussummut missingiummi § 5-kkut, Kalaallit Nunaannut atuutilersinneqarput Inunnik Qitiusumik Nalunaarsuiffik pillugu inatsimmut allannguutit, meeqqat pillugit inatsisip, inuit aqqi pillugit inatsisip aamma inatsisit allat assigiinngitsut allanngortinneqarnissaannut inatsimmi (Anaanaaqataanermik nalunaarsuisarnerup eqaallisarnera, assigiinngitsunik suaassusillit angajoqqaajunerisa aalajangersaaffigineqartarnerat aamma assigiinngitsunik suaassusillit aqqinik allannguisarneq il. il.) nr. 227, 15. februar 2022-meersumi § 7-ip kingunerisaanik. Taamaallaat pineqarpoq peqqussummut ilanngussami 1, nr. 7-imi kinguaariit pillugit paasisutissani "anaanaaqataasoq"-p ilanngunneqarnera.

6. Kalaallit Nunaanni oqartussa qarfinnut aningaasaqarnikkut aamma allaffissornikkut kinguneqaataasut

Meeqqat pillugit inatsisip Kalaallit Nunaannut atuutilersinneqarnera, ataataanerup aamma anaanaanerup oqaluffimmi allatuisuusumit palasimit nalunaarsorneqarnissaannik kinguneqassaaq, meeqqap inunngorneranik nalunaarsuinerup atatillugu. Immikkoortoq 2-mut innersuunneqarpoq. Nalilerneqarporli atuutilersitsineq Kalaallit Nunaanni oqartussa qarfinnut aningaasaqarnikkut annertuumik kinguneqassanngitsaq.

7. Tusarniaaneq

Peqqussutissatut aamma inatsisissatut siunnersuutinut missingiutit qulaani taaneqartut tusarniutigineqarsimapput kattuffinnut aamma oqartussa qarfinnut, inatsisissatut siunnersuummi immikkoortoq 9-imi tusarniaanerup takussutissartaani allatorneqarsimasunut.

8. Atuutilersinneqarnissaa

Inatsisissatut siunnersuutip atuutilersinneqarnissaa Folketingimit aalajangersarneqassaaq. Peqqussut piffissami tassani aamma atuutilissaaq.